

Buhvaq Bouxcuengh Ndaej Vunz Maij

壮家服饰受青睐

Youq ndaw yienhsingz Sihlinz Yen, moix daengz ngoenzhaw, diuzgai gai baengzdoj buhdoj haenx ceiq nauhyied, gyoengqvunz daeuj cawx huqdoj ceiq lai, cungj haenh naeuz baengzdoj ndeyawj youh naih daenj.

Youq lajmbanj Sihlinz Yen, ranzranz cungj miz congzrok, bouxbouxb mehmwbk cungj rox daemj baengz. Gyoengq mehmwbk gag daemj gaiqninz, mbuk nda lwnyez. Vihliux sawj doengh gij gaiqdaenj gaiqyungh neix engqgya gyaundeidei, gyoengqde lij youq gwnzde siuq gak cungj gak yiengh dozanq. Baez daengz ngoenzciet, gyoengq vunzmbanj couh daenj buhvaq bonj minzcuz gyaundeidei neix, ciengq go diuq foux, angqhoh ngoenzciet.

(Vangz Yenginz)



▲ Vunzlai youq gwnzgai cawx baengzdoj.



▲ Mehmbwk lajmbanj nyaengq daemjrok.



▲ Gingjsaek Anhdai Yangh Mbanjsiulsangh Myauzcai gyaundeidei dangqmaz.

Yungzsuij:

Gingjsaek Baenzsou Maez Vunz Liux

融水：丰收美景惹人醉

Cib nyied seizcou, Yungzsuij Myauzcuz Swciyen Anhdai Yangh Mbanjsiulsangh Myauzcai haeuxnah laebdaeb baenzsou, gyoengq nungzminz dangdieg cagaenj seizgan raed haeux, baujingq naednaed haeuxnah sou haeuj ndaw cang. Gij gingjsaek gyoengqvunz nyaengqfoenfoen raed haeux, riengzhaeux henjrwgrwg, Mbanjmyauzcai geqget neix, gyoebbaenz fuk veh fungsou gyaundeidei ndeu.

(Lungz Linzci)



▲ Gyoengq nungzminz raed haeux nyaengqfoenfoen.

Sihlinz:

Gak Cuz Beixnuengx Angqhoh Yizcuznienz

西林：各族同胞欢庆彝族年



▲ Youq gwnz ciet, gyoengq beixnuengx Yizcuz byaujyenj ndwencieng guh daem ceiz doxdax.

Sihlinz Yen Bujhoz Myauzcuz Yangh Nganzlaz Cunh miz Yizcuz, Myauzcuz, Bouxcuengh, Bouxgun, Yauzcuz, Gwzlaujcz daengj roek aen minzcuz caemhyouq. Vihliux gyagiengz minzcuz doxgiet, coicaenh sevei huzndei, Nganzlaz Cunh gak minzcuz beixnuengx gag cujcz vunzlai, doengzcaez angqhoh bi 2013 “Yizcuznienz”.

“Yizcuznienz” Vahyizcuz heuhguh “gohsih”, eiqsei dwg “bi moq”. Moix bi liggaueq cib nyied samcib daengz cib’ it nyied coit gvaq ciet. 11 nyied 2 hauh, gyoengq beixnuengx Yizcuz, Myauzcuz, Bouxcuengh, Bouxgun, Yauzcuz, Gwzlaujcz comz youq itheij, daem ceiz, dwk lwggyangq, diuqfoux angqhoh ngoenzciet, muengh vunzlai bilaeng gwndaenj ngoenz beij ngoenz ndei.

(Yangz Meijyingh)

Ndaw Mbanj Dungcuz Va Angjo

侗乡春蕾朵朵开

Lungzswng Gak Cuz Swciyen Bingzdwngj Yangh Siujoyz miz aen ban nyzmbwk Dungcuz ndeu, aen ban neix gaenq miz 23 bi lo.

Aen ban nyzmbwk neix hagseng cungj dwg daj 21 aen mbanj aen yangh neix daeuj, dingzlai hagseng hagsib maenhndei, ndaw ranz gungzhoj. Gaenh geij bi daeuj, hagseng ban neix camgya sij cih veh veh doxdax, doeg saw doxdax, guh dinfwngz doxdax, suyoz doxdax daengj gak yiengh doxdax, cungj au ndaej cingzcik ndei, lij lai baez au ndaej guekgya gaep ciengj caeug swcigih gaep ciengj.

(Houz Fazganh)



▲ Gyoengq hagseng nyinhcaen yawj saw.